




OÑATI
dabilen herria



ALKATE DEKRETUA

Nik, Izaro Elorza Arreguik, Oñatiko Alkatea naizenez eta Toki Korporazioetako Antolakuntza, Funtzionamendu eta Erregimen Juridiko Erregelamenduak ematen dizkidan ahalmenetan oinarrituz, ondorengo agintzea erabaki dut:

Lurralde Antolaketako Teknikari (A2) programarako bitarteko funtzionario bat kontratatzea (2026ABFI0010)

Udal teknikariaren txostenak honela dio hitzez hitz:

"Udaleko Giza Baliabide eta Antolaketako teknikari naizen honek honako txostena eman dut:

Espediente-zk.:..... 2026ABFI0010

Espedientearen helbidea:..... OÑATI

Gaia:..... Lurralde Antolaketako Teknikari (A2) programarako bitarteko funtzionario bat kontratatzea.

Interesduna:..... Oñatiko Udala

Gertakariak:

Pertsonal eta Barne Antolaketako batzordeak proposatuta, 2026ko apirilaren 23ko Osoko Bilkuran Lurralde Antolaketako aldi baterako programa sortzea eta bere baitako edukia onartu ziren, lurralde-antolaketako zerbitzuan funtsezkoak diren jardueren jarraipena bermatzeko.

Programa hau martxan jartzeak azaleratuko ditu Lurralde Antolaketa sailaren beharrak eta lan-kargak eta horiek asetzeko lanpostua behar den. Horrez gain, karga eta zalantza juridiko-teknikoak leuntzeko balioko du, etorkizunean lanpostua -egonkortasunez-sortzeko beharra aztertzeko aukera ematez gain.

Lurralde Antolaketako Teknikari programarako bitarteko funtzionario bat (A2) kontratatzeko prozesua abiatzea dagokio orain. Programa horren barruan egitekoa den kontrataziorako, kontuan hartuko da 5/2015 EDn Enplegatu Publikoaren Oinarriko Estatutuaren testu bateginaren 10. artikulua bitarteko funtzionarioei buruzko xedapenetan jasotzen duena:

"1. Bitarteko funtzionarioak dira, beharragatik eta premiagatik berariaz justifikatutako arrazoiengatik, karrerako funtzionarioei dagozkien eginkizunak betetzeko aldi baterako bitarteko funtzionario izendatzen direnak, honako egoera hauetakoren bat gertatzen denean:

c) Aldi baterako programak gauzatzea. Programa horiek ezin izango dute hiru urte baino gehiago iraun, eta Estatutu hau garatzeko ematen diren Funtzio Publikoko legeen bidez beste hamabi hilabetez luzatu ahal izango dira.

Programa hori aurrera eramateko langilea kontratatzeko, Oñatiko lan-poltsak agortuta daudenez gero, hainbat udal eta herri-administrazioetan eskatu dira langileari esteitu zaion



OÑATI
dabilen herria

profilaren arabera lan-poltsak, baina ez da hautagairik eskuratzetik izan halere. Horregatik, Lanbidera jo da, euskal enplegu-zerbitzua den aldetik.

Honakoa da Lanbidera jotzea ahalbidetu duen oinarri juridikoa:

190/2004 Dekretuak, urriaren 13koak, euskal herri-administrazioetako funtzionarioen lanpostuak betetzeko araudia onartzeko denak, (58. artikuluan) dio:

"1- Bitartekoen hautaketa egingo da gai horri buruz administrazio bakoitzak ezartzen dituen arauen arabera. Hautatzeko prozedurek berdintasun-, ageritasun-, meritu- eta gaitasun-printzipioak bermatzen dituzten irizpideak izango dituzte oinarri, aldi berean irizpideok prozedura horiek ahalik eta zaluena izatea bideratzen dutela.

2- Berariazko araurik ez balego, hautaketa oro har egingo da funtzionario izateko edo aldi baterako enpleguaren poltsak eratzeko, izandako hautaketa prozesurik gainditu dutenen artean.

3- Giza Baliabideen kudeaketa eraginkorrari eragozten ez dion heinean, euskal herri administrazioek elkarri elkarlana eskainiko diote, bitarteko funtzionarioak izendatzeko xedez beren lan-poltsetan sarturiko langileak maileguan utziz.

4- Izangaiak hartzeko premiarik edo zailtasunik baldin badago, salbuespen bezala eta justifikatutako memoria bitarteko delarik, enplegu zerbitzu publikoer baliatzeko aukera egongo da."

Kontratazio bat egitea beharrezkoa da, zerbitzua ongi emateko. Horregatik, komenigarria eta beharrezkoa da enplegu-zerbitzu publikoetatik hautagai bat izendatzea (Lanbide / Euskal Enplegu Zerbitzu Publikoa delakotik, alegia). Etorkizunean Oñatiko Udalean sor litezkeen antzeko zeregin eta lanpostuak betetzeko erabili ahal izango dira prozesu jakin honetarako jasotako hautagaitzak, sor litezkeen beharrian berri horiek asetzeko propio beste lan-eskaintza bat abiatu beharrik gabe, eta, betiere, leudekeen lan-poltsek lehentasuna izango dutela bermatuta.

Proposamena:

Urriaren 30eko 5/2015 Legegintzako Errege Dekretuaren 10.1.c) artikuluan xedatutakoaren arabera, programa jakin bat gauzatzeko -Lurrealde Antolaketako Teknikari programarako- % 100eko lanaldian arituko den bitarteko funtzionarioa (A2) hautatzeko deialdia egitea.

Esanda bezala, aldi baterako programen iraupena izango du gehienezko muga kontratazio honek; hau da, ezin izango du hiru urte baino gehiago iraun, eta beste hamabi hilabetez luzatu ahal izango da.

Halaber, langileak 15 eguneko probaldia izatea proposatu da, lanerako gaitasuna duela egiaztatzeko.

Jasota dago kreditu nahikoa dagoela."

Goiko txostenak dioena ikusirik, nik, Iزارo Elorza Arreguik, Oñatiko Alkatea naizenez, legeak ematen dizkidan eskumenak erabilia, erabakitzen dut:



OÑATI
dabilen herria

Lehenengoa.- Salbuespenezko arrazoiak daudela adieraztea eta, udal honen premiazko behar atzeraezinei erantzuteko, izendapena egitea beharrezkoa dela, 2026ko apirilaren 23ko Udal Osoko Bilkuran sortzea erabakitako Lurralde Antolaketako aldi baterako programa garatzeko.

Bigarrena.- Programa jakin bat gauzatzeko -Lurralde Antolaketako Teknikari programarako-bitarteko funtzionarioa (A2) hautatzeko deialdia egitea.

Hirugarrena.- Honako hau eskaintzen da:

Lurralde Antolaketako programarako teknikaria (A2).

Lan-jarduna: % 100

Urteko soldata gordina: 45.739,06 €.

Laugarrena.- Honako profil hau eskatzen da:

Beharrezko eta ezinbesteko prestaketa:

- a) 16 urte beteta izatea eta nahitaezko erretiroa hartzeko gehienezko adina ez izatea.
- b) Europar Batasuneko kide diren edozein Estatuko naziotasuna izatea eta EBn emandako eta Espainiako Estatuak onetsitako nazioarteko Itunen aplikazioa tarteko, langileen zirkulazio librea aplikagarri zaion Estaturen bateko naziotasuna izatea. Europar Batasuneko kide diren Estatuetak naziodunen bikotekideek ere parte hartu ahal izango dute, legez bananduta ez badaude; era berean, haren ondorengoek eta bikotekidearenek ere bai, beti ere bi kideak legez bananduta ez badaude, eta hori, bai hogeita bat (21) urtetik beherakoak izanda edo hortik gorakoak eta euren kontura bizi direnak izanda ere.
- c) Titulazioa: Ingurumen Zientzietako / Ingeniaritzako / Arkitekturako gradua izatea (edo baliokidea).
- d) Hizkuntza-eskakizuna: euskarako 4. hizkuntza-eskakizuna. Maila honetako hautagairik ez balego, 3. HE duten hautagaiak ere onartuko lirateke, bigarren mailan edo ordezkotza gisa.
- e) Lanpostuko eginkizunetan ohiko jarduna eragotz dezakeen edo haiek bete ahal izateko bateraezina den gaixotasun edo akats fisiko edo psikikorik ez izatea; hori ziurtatzeko, dagokion mediku-azterketa egingo zaio.
- f) Diziplinako espediente bidez zerbitzutik kenduta ez egotea, Herri Administrazioei edo konstituzio-organoei nahiz autonomia-erkidegoetako estatutu-organoei dagokienez, eta ebazpen judizialaren arabera erabateko desgaitasunik edo desgaitasun berezirik ez izatea, ez enplegu edo kargu publikoak betetzeko, ez funtzionarioen kidegora edo eskalara iristeko, ezta, lan-kontratuko langileen kasuan, zerbitzutik kendu edo desgaitu duten lanpostuan langileak zituen eginkizunen antzekoak betetzeko ere.
- g) Ezgaitasun-kasuetan sarturik ez egotea eta abenduaren 26ko 53/1984 eta apirilaren 30eko RD 598/85 legeak bateraezinezkotzat deklaraturiko jardueratan ez aritzea, ez egunean, ezta izendapenaren ondoren ere, praktiketan, nahiz, kasua balitz, jabetzan.

Bosgarrena.- Hautaketa-prozesuak bi fase izango ditu:

- a) Lehen fasea: merezimenduen eta lanbide-esperientziaren balorazioa
Aurkeztutako merezimenduak eta lan-esperientzia baloratuko dira, oinarri hauen seigarren puntuari ezarritako baremoaren arabera. Fase honen ondoren, hautagaien behin-behineko puntuazio-zerrenda argitaratuko da.





OÑATI
dabilen herria

- b) Bigarren fasea: elkarrizketa pertsonala (fase baztertzaila eta aukerakoa)
Fase hau egitekotan, elkarrizketara deituko dira lehen fasean puntuazio handiena lortu duten hautagaiak. Elkarrizketaren helburua izango da hautagaien egokitasuna baloratzea (gaitasun profesionalak, eginkizunetara egokitzea, e.a.).
- c) Azken puntuazioa
Azken puntuazioa bi faseetan lortutako puntuazioen batura izango da. Ondoren, behin betiko zerrenda argitaratuko da (elkarrizketa egitea erabaki bada, elkarrizketa egin ez duten hautagaiak zerrendatik kanpo utziko dira).

Seigarrena.- Hautagaiak hautatzeko, irizpide hauek hartuko dira kontuan:

1. Merezimenduak (15 puntutik)

1.1. Prestakuntza- eta hobekuntza-ikastaroak (5 puntu).

- Lanpostuaren eginkizunekin lotutako gaietan zerikusituzuzena dutenak. Gehienez ere 5 puntu arte baloratuko dira. Balorazio horretarako orduak hartuko dira kontuan eta 0,05 koefizienteaz biderkatuko dira, betiere lor daitekeen gehienezko aipatu mugaren barruan. Horretarako, hautagaiak aurkeztutako dokumentazioan ikastaroaren iraupena (ordu-kopurua) zehaztu beharko da. Ez dira baloratuko ordu-kopurua zehazten ez duten ikastaroak. Soilik hartuko dira kontuan oinarriak argitaratu baino 10 urte lehenagoko ikastaro-tituluak.

1.2 Titulu akademiko ofizialak. Deialdian parte hartzeko beharrezkoa denaz bestelako tituluak, bai eta masterrak, diplomak eta unibertsitateen berezko tituluak ere, betiere erabilgarriak badira deitutako lanpostuan aritzeko. Epaimahaiak baloratuko ditu egokiak diren edo ez, baita beroriei eman beharreko puntuak ere, baina ezin izango du, inolaz ere, 2 puntu baino gehiago eman goragoko titulu bakoitzeko eta puntu 1 maila bereko titulu bakoitzeko.

- Eskatzen dena baino goragoko titulua, edo baliokidea (2 puntu bakoitzeko, gehienez 5 puntu)
- Maila bereko tituluak edo baliokideak (puntu 1 bakoitzeko, gehienez ere 5 puntu)

2. Lanbide-esperientzia (gehienez 30 puntu)

- 0,40 puntu Herri Administrazioan eskainitako hilabete oso bakoitzeko, lortu nahi den lanpostuaren baliokide diren eginkizunetan (A2 edo goragoko sailkapen-taldea), lan-zerbitzuan jartzen duenaren arabera. Administrazioa toki-administrazioa bada, 0,05 puntu gehituko dira hilabete oso bakoitzeko.

Herri-administrazioan lanean aritutako azpitaldea edo/eta lanpostu/saila desberdina denean hemen deitutakoarekiko, 0,10 hilabete oso bakoitzeko.

- 0,20 puntu sozietate publikoetan edo sektore pribatuan eskainitako zerbitzuen hilabete oso bakoitzeko, lortu nahi den lanpostuaren baliokidetzat jotzen diren eginkizunetan.

** Oñatiko Udalak esperientzia eta formazioa ziurtatzeko eska dezake.*

3. Aukeran, aurrez aurreko elkarrizketa (gehienez 5 puntu) > aurreko 2 urratsen ondoren eta haien balizko osagarri.

Aurreko 2 ataletako puntuazioaren baturaren arabera hurrenkeran, elkarrizketarako deia egin dakieke behin-behineko zerrendan goien dauden izangaiei. Gerta liteke prozesu honen barruan elkarrizketarik ez egitea. Kasu horretan, guztira 45 punturen gainean





OÑATI
dabilen herria

egingo litzateke hautagai bakoitzaren balorazioa -alegia, elkarrizketari esleitutako puntu-kopurua kenduta-. Aldiz, elkarrizketa egitea erabakiz gero, 3 atalotako puntuazioaren baturaren arabera ezarriko da hautagaien puntuazio-balorazioaren behin betiko ordena.

Zazpigarrena.- Deialdi honetatik kontratatzeko erauziko den izendapena aldi baterako programa baten exekuzioari lotuta egongo da. Nolanahi ere, Administrazioak ofizioz formalizatuko du bitartekotasun-harremanaren amaiera, 5/2015 Legegintzako Errege Dekretuak, urriaren 30ekoak, Enplegatu Publikoaren Oinarrizko Estatutuaren Legearen testu bategina onartzen duenak, 63. artikuluan aurreikusitako arrazoiengatik ez ezik, baita honako arrazoi hauengatik ere, eta izendapena ondorioz gabe geldituko da eta ez du konpentsaziorako eskubiderik izango:

- a) Lanpostua karrerako funtzionarioek araututa betetzeagatik, legez ezarritako edozein prozeduraren bidez.
- b) Esleitutako lanpostuak kentzea edo amortizatzea eragiten duten antolaketa-arrazoiengatik.
- c) Izendapenean berariaz jasotako baimendutako epea amaitzeagatik.
- d) Izendapena eragin zuen arrazoa amaitzeagatik.

Zortzigarrena.- Langileari 15 eguneko probaldia ezarriko zaio, lanerako gaitasuna duela egiaztatzeko.

Bederatzigarrena.- Ebazpen hau interesdunari, Kontu-hartzaitzari, Idazkaritzako arduradunari eta Giza Baliabide sailari jakinaraztea.

Honela jasota gera dadin eta bere ondorioak izan ditzan hau sinatzen dut.

Oñatin, 2026ko apirilaren 29a


Alkatea

Izaro Elorza Arregui

